

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA: 4(B)(XXII)4

**SOALAN BERTULIS OLEH AHLI KAWASAN PULAU BETONG
YB. HAJI MOHD TUAH BIN ISMAIL**

4. Di dalam perancangan pembangunan desa, apakah jenis-jenis projek yang telah dilaksanakan dan dirancang untuk daerah Barat Daya khususnya Parlimen Balik Pulau?

**YB. DR. AFIF BIN BAHARDIN
MENJAWAB BAGI PIHAK Y.A.B. KETUA MENTERI**

4. Dalam usaha memacu perkembangan desa seiring dengan kawasan bandar dan merapatkan jurang sosioekonomi, Kerajaan Negeri melalui Dasar Pembangunan Desa telah mengariskan empat komponen utama iaitu peningkatan modal insan, meningkatkan keusahawanan, peningkatan infrastruktur dan pengurangan kemiskinan di desa. Bertepatan dengan itu, Kerajaan Negeri melalui peruntukan pembangunan yang diluluskan oleh Dewan Undangan Negeri telah menyediakan peruntukan secara tahunan bagi tujuan pembangunan desa meliputi naik taraf infrastruktur, peningkatan taraf hidup dan program modal insan. Pada tahun 2018, Kerajaan Negeri telah meluluskan peruntukan berjumlah RM9.45 juta bagi melaksanakan program dan projek di bawah Projek Khas Ekonomi seperti berikut :-

- (i) Program Pembaikan Rumah Rakyat Termiskin (Bina Baru dan Baiki);

- (ii) Program Peningkatan dan Pemulihan Ekonomi (Naik taraf Komplek Gerai);
- (iii) Program Peningkatan Ekonomi Golongan Miskin/ Pembangunan Industri Desa (Bantuan Peralatan);
- (iv) Projek Naik taraf Dewan Orang ramai;
- (v) Projek naik taraf Jalan Kampung dan Longkang; dan
- (vi) Program Modal Insan.

Pejabat Daerah sedang merancang untuk mengenal pasti penerima dan projek yang bersesuaian di bawah Projek Khas Ekonomi untuk dilaksanakan berdasarkan keutamaan dan keperluan di kawasan tersebut. Sehingga Jun 2018, Pejabat Daerah dan Tanah Barat Daya telah diperuntukkan sebanyak RM284,275.00 di bawah Projek Khas Ekonomi dan daripada jumlah tersebut, sebanyak RM257,595.00 dilaksanakan di kawasan Parlimen Balik Pulau.